



MARYMA

Ramhlun North YMA Chanchinbu

"YMA thuvawn: YMA chu tanpui ngaite tanpuitu"



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 20

Ramhlun North: Ni 16 May, 2026



BRANCH THU

■ Pu Lalfakzuala (Afaktea) te nupa T-Sec. chuan an fate pahnih pawl 10 pass-te pualin Ramhlun North Branch YMA-ah leh RNYMA, Taitesena Section-ah Pedestal Fan pakhat ve ve an pe a, RNYMA chuan lawmthu kan sawi e.

■ YMA Day-a RSC Field-a zar tur Silpaulin, Pu Lalhriatpuia (Aizawl DC) V-Sec. chuan min pe a, RNYMA chuan lawmthu kan sawi e.



SECTION THU

■ **Chawngbawla Section:** Vawiin hian bungraw enfel leh bungraw dahna thalo laite siamin an hnatlang.

■ **Neuva Section:** Ni 16.5.2026 (Inrinni) hian bungraw enfel hnatlang an nei.



SUB-COMMITTEE THU

■ **Library sub-committee:**

1. May ni 2, 2026 khan Local Council member ten an tlawh a, Library tanpui nan ₹ 5000/- an dawng.

1. Lalchhanhima, N-Sec. hnen atangin lehkhabu pahnih kan dawng.
2. Samuel Vanlalnghaka, N-Sec. leh Library c/m hnen atangin 'Isua thil mak tihte' lehkhabu set kan dawng.

Local Council chungah leh lehkhabu petu te chungah lawmthu an sawi.



CYMA THU

■ Ruihhlo Do Street Campaign thawh hnihna chu May ni 16, 2026 zing dar 7:00 hian Aizawl hmun sarh ah leh Sairang Sihhmu Bazar ah te neih a ni a. A thawh khatna ni 9.5.2026 a neih ah kan Branch member, Tv Zorinsanga Sailo, V-Sec. chu Electric Veng ah a zai a. A thawh hnihna vawiin ni 16.5.26 hian Lalnunfeli, K-Sec. chu Sihhmu Bazar ah a zai bawh.

■ **Library duty turte:**

1. D Lianmanga, S-Sec.
2. Lawmsangpuii, S-Sec.
3. Timothy Lalbiakrema, S-Sec.
4. Josephine Lalthazuali, S-Sec.
5. Lalrokimi, S-Sec.
6. Lalremruati, K-Sec.

HSLC LEH HSSLC PASS THARTE LAWMPUINA HUN HMANG DAWN (MARYMA kal tlangin lawm dawn)

Ramhlun North, the 16th May, 2026: Kum dangah kan lo tih thin angin kumin hian veng chhunga HSLC leh HSSLC pass tharte puala lawmpuina hun hman leh tum a ni a. He huna hmalakna hrang hrangte hi Branch YMA Executive Committee meeting thutlukna angin MARYMA kutah mawhphurhna dah a ni. MARYMA hmalakna in ni 22.05.2026 (Zirtawpni) zan dar 7:00 ah Ramhlun Indoor Stadium-ah hman a ni dawn a ni.

Programme ruahmanna tlangpui chu:

A hun : Ni 22.5.2026 (Zirtawpni) zan dar 7:00

A hmun : Ramhlun Indoor Stadium

Khuallian : Dr. Vanlalhlana, Bialtu MLA

Hunserh : Pro. Pastor David Lalnunpuia

Welcome Speech : Pu Vanengmawia, Editor, MARYMA

Thusawi : Dr. Vanlalhlana, Khuallian

Special Items: 1. Music sub-committee

2. Tv. Lalrinawma. N-Sec.

3. Ni. B. Lalbiaksangi, S-Sec.

4. Ni. Lalremruati, K-Sec.

Thusawi : Pu Laldingiana Sailo, President, RNYMA

Lawmpuina Certificate Sem : Joint Editor-te

Vote of Thanks : Pu Lalremsanga Hnamte, Manager, MARYMA

Comper : Ni. Rengpuii Sailo, T-Sec. (Miss Mizoram Top 10)

Vengchhung a HSLC leh HSSLC pass thar zawng zawngte chu he hunah hian kim taka leh turin kan inhriattirin kan inngen a. Pass thar te hi chhungte pakhat talin tawiwawm turin kan in ngenin kan in sawm bawh a ni. He hunah hian zirlai hlawhtling thar te, thawmhnaw pangngai tak (formal/semi formal) inbela kal turin kan inngen bawh a ni. Kan Programme-a tul hrang hrang sound leh music lam mai bakah still leh video camera coverage-te, Music sub-committee leh Documentation sub-committee ten an buaipui dawn a ni.

'RUIHHLO DO' THUPUI HMANGIN ARTICLE INZIAHSIAK

Ramhlun North Branch YMA Executive Committee chuan kumin YMA Day hi veng chhungah a pui thei ang bera lawm turin ruahmanna a siam a. He hun hi nuam taka hman mai piah lamah, kan veng chhung hmasawna leh inzirtirna hmanrua atana hman tumin Branch hmalakna hnuuia Section hrang hrangte tan inelna hrang hrang buatsaih a ni dawn a ni. He inelna hrang hrang zingah hian 'Article Inziahsiaik' pawh dah tel a ni a, Section hrang hrangte he inelnaah hian tang taka tel turin kan in ngen a ni.

He Article inziahsiaik atana thupui thlan chu 'Ruihhlo Do' tih a ni a. Thuziak hi thumal 750 atanga 800 inkar a ni tur a ni a, Article phekah hian Hming, Section leh Contact number ziaik kai lovin paper dangah thil tel tur.

Article inziahsiaik hi mimal inelna ni mah se, thuziak tha tana lawmman siam a nih piah lamah, Section tan 'Major Point' a keng tel nghal bawh ang.

Article ziaiktute chuan an thuziak hi June ni 6 aia tlai loah Organising Secretary, Pu Lalchhuanawma (Ph: 8257898724) hnenah soft copy leh hard copy-in theh theih a ni ang. Hun tiam vawn dik hi inelna piah lamah thuziak luh dan tur kalphung (discipline) pawimawh tak a nih avangin, ziaiku zawng zawngte he hun tiam hi ngai pawimawh turin kan inhriattir a ni.

Sakawrdaia YMA Inkhawmpui Lian vawi 75-nain kum 2025-2027 Kumpuan atana 'Ruihhlo Do' a thlan bawhzuina ni pha fawmin he thupui hi thlan a ni.



PAWL ANGA THLAN LAIH

Mizo hnam nun hlu tak leh chhiatni bika kan tih ngei ngei thin chu thlan laih hi a ni. Hman ata tawh tun thlengin kan kawtkai kan thenawm khawvengte an thih hian puih an ngai a ni tih hriaa phut let nei miah loa kan pen chhuahna hian kan hnam hi min ti mawi thin a. Amaherawhchu, hun a lo kal a, khawtlang a lo changkangin khawpui a tawt zel a, kan thlanmualte pawh kan in leh lo atanga hla tak takah an lo awm ta a.

Tun hma kha chuan kan veng kawtkai mai, kea han thlen zung zung theihna hmunah tlaivar tuka thlan laih kha thil pangngai leh tih tur hrim hrimah kan ngai thin. Mahse, tunah chuan thlanmual a lo hlat tawh avang leh lirthei nena chet chhuah a ngaih tak avangin hunbi danga thawhchhuah a ngai ta fo mai. Hei hian kan tlawmngaihna hman dan pawh a tidanglam hret a, tlawmngaih chhuah tur chuan mahni hna kalsan leh hun bik siam a lo ngai ta a ni. Hetiang karah hian tlawmngaihna thinlung nena pawl anga ke kan pen chhuak thin hi thil chhuanawm leh hmuhdawm tak a ni.

Section hrang hrang ten a in chhawkin thlan kan laih bakah, pawl leh thianho anga che chhuak a thlan lai kan awm thin a, thil lawmawm tak a ni. Hmanni lawk khan Salvation Army Youth (SAY) te chuan a pawl angin thlan an lai a, hei hian mimal leh pawl ang pawha kan mawhphurhna kan hriat chianzia a tarlang Chiang hle.

Hetianga pawl anga thlan laih hi kan uar zel a pawimawh hle. Mimal tana thil harsa leh hna hautak ni thei kha pawl anga kan thawh hian nuam kan ti zawk a, inunauna a ti nghetin, tlawmngaihna hlutna kan hriat thar phah thin. Khawtlang nun siamthatna kawng pawimawh tak pakhat chu midangte tana kan hun leh tha kan pek phalna hi a ni a. Pawl hrang hrang, thalai pawl leh pawl dangte pawhin hetiang hian mimal chauh ni loa kan pawl anga kan thawhchhuah hian khawtlangah entawn tlak leh hmasawna rilru hrisel tak kan tuh dawn a ni. I uar chho zel ang u.



KHAETHLIR

HMANLAI MIZOTE BUH TEH
DÂN LEH A TAM ZÂWNG

Pi pute khan an buh thar tam lam leh buh tuh zat te hriat theihnan tehna chi hrang hrang anmahni pûm chhuak ngei an lo nei ve thlip thlep a, buh tehna an hman lâr leh an chelek ber chu "HRAI" an ti a. Hrai khat chu tûnlai TÏN (tel tin litre 16 vel dawng) huïh hnih ang vel a ni. Chu aia tlem zawk tehna an la nei chu DÂN an ti leh a, Dân khat chu tûnlai tìn huïh khat ang vel a ni ang. Tichuan, Dân hnih chu Hrai khat tihna a ni ta a nih chu. Chu aia la tlem leh sawi nan 'paiper khat' an hmang a, Paiper li hi Dân khat hen vel a ni.

Thlawhhma zâu zawng sawinan pawh heng tehna hmang hian paiper khat hmun, dân khat hmun, hrai khat hmun, ti tein an sawi mai thin. Tehna an hman lâr ber chu HRAI a ni kan tih tawh kha, mahse hrai theuh theuh a lo intiat vek lo thei a, chuvangin buh inpûksak nikhua pawhin inang chiaha an inrullh leh theih nan vantlangin a an inhman tawm tur TLANG HRAI an siam/tah a. Chu chu Zawlbukah an daha vantlangin an inhman tawm thin. Hmang duh an tam avângin an hawh lâwr reng a, Zawlbukah a awm hman meuh lo, chuvângin a awmna chin hriat a har thei hle thin a. Chu chu tawngkam/ tawngkauchheh a hmangin Awmna chin hriat loh sawinan TLANG HRAI ANG MAI tih chu an hmang thin. Tin, Dân leh hrai chu khawtlanga tehna pawimawh leh lâr tak, buh teh nana teh dân bera an hman a nih avangin tûnlaia "Law and Order" tih lam hawi sawi nan pawh "DÂN LEH HRAI" tih pawh hman zel a ni ta a ni.

Buh phurh vel nana an hman lâr ber chu êm chi khat "DÂWRAWN" a ni. Dâwrawn khat chu hrai khat leh a chanve dawng vel a ni ber a. Chu chu phur tâwk a ngaih pawh a ni. Thlawhhma zâu zawng sawinan pawh "hrai chuti zat hmun," 'Dâwrawn chuti zat hmun' ti te in an sawi mai thin baw. Tin, buhfai emaw buh hum pawh nise, a tlem tham deuh sawina an nei vak lo. Kho te tak te Kg hnih vel dawng 'FAIKHIAT' an nei a. Chumi hmang chuan a tlem tham chu an teh mai thin. Tin, thlawhhma zimte sawinan pawh "Faikhiat chuti zat hmun lek" tiin thlawhhma zâu zawng sawinan pawh an hmang ve baw thin.

Tin, buh an tuh hian tûnlai angin buhchi ah nan îpte hmang lovin BEM an hmang thin. Bem chu hnang hmangin faikhiat hnih vel lengin per deuh hlek in an tah a, chu chu kâwngah an vawng a, a thenin hnung lamah, thenkhatin hma lamah chutah chuan buh chi paiin an tuh mai thin. Thlawhhma zâu zawng sawinan pawh Bem khat vel tuh theihna chu 'Bem hmun' tiin an sawi ve thin

baw. Bem kan tih hi thenkhat chuan Pate per deuh, pai theih a tah a nih avangin PAIPER tiin a sawi ve baw.

Buh an thar zat an sawi hian buh lak zawh, chil zawh vek hnua, hruizawl atânga buhzem a an teh luh zat chiahi an thar zat ah an chhal thin. Buhseng chhunga an ei ral leh an mahni puitute hawn darh zawng zawng te nen, a vai a an thar zawng zawng sawinan chuan "A ram haw in chuti zat" emaw "A ram hawng-in chuti zat" tiin an sawi thin. An buh thar zat hi hmang hran hran vuahin an sawi thin, Hruizawla buh chhun vûm thut chin chiaha kephah chhuïh tlum veka din a, buh vûm sang lai ber zawn tak atânga en in, chuti ang chiaha leh lama ding ve kerek, buh vûm thut chin hmuh phak tawh chiaha a buh chhun vûm tam zawng chu KE-THUP an ti a, Phur sawmthum vel a ni ber. (buh phur khat hi tìn thum a ni) a ke thuptu a zirin a tam hleih thei viau. Chumi chung chiaha ah chuan BAN an ti a. Chu pawh chu buh vum thut chin-a kephah chhuïh luta buh vûm panga bawkin a vûm chhip ban tawka sanga tam chu "ban" an ti. Phur sawmnga vela ngaih a ni. A bantu a palen leh têt a zirin a tam hleih thei hle. Tin hetiang an teh hian hruï kil zawn atâng kherin an teh thin. Ban chung chiaha ah chuan CHEM-SAT an ti a. Hei pawh ban teh ang bawka tehin chema buh vûm chhip A sah phak tawka tam a nih avangin "Chem sat" tih a ni. Phur sawmriat vel a ni.

Chumi chung lehah chuan HMEICHHE CHHIPZAWN an ti a. A teh dan chu hruï zawla buh vûm chhip zawl tawkin mâu an kham a, chu mâu kham chu hmeichhia in a tawng tawh chiaha chuan "hmeichhe chhipzawn" an ti a. Phur za leh sawmnhil vel a ni. Chutiang chiaha a teh a mipa in a tawng tawh chiaha chuan CHHIPZAWN an ti a, phur za sawmnga atânga zahnih inkâr a ni ber. A aia tam leh hrêt chu KAKZAWN an ti a. A hma a teh dan ang bawh khan ban chunglama phar chhova kutzungpui kakin mau kham a tawng tawh chiaha chuan "kakzawn" an ti a. Hmeichhe kakzawn leh mipa kakzawn an sawi hrang ve baw thin. Phur zahnih atânga zahnih sawmnga vel a ni. Chu aia tam leh chu TUHA-ZAWN an ti a. Hei pawh hi a teh dan chu a la ngai reng. Tuthlawh ha/fawng an hum tawh thung. Phur zahnih sawmnga atânga zathum vel a ni.

Hei aia tam hi chu HREIHA-ZAWN an ti a. Tuthlawh ha aiah Hreiha an hum thung. Phur zathum leh zali inkâr a ni tlangpui. Chu aia tam chu SILAI-ZAWN an ti a. Silai an hmang tawh thung. Phur zanga leh zaruk inkâr vel a ni. Chu aia tam tawh phawt chuan MAUTLAWN-ZAWN an ti a. Mau tawn tak tak hmang lovin Silai aia sei deuh âwrh in mau an tan a. Chu chu an hum thin thung. Phur zasarih atânga zariat inkâr vel a ni.

Editor: Vanengmawia (7085878827); Jt. Editors: A. Lalfakzuala, Lalrotluangi Zote, Henry VL Nghilhlova Zote

Manager: Lalremsanga Hnamte (8974845644); Asst. Managers: Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

ZIN & HAW

- Pu Biakchungnunga, Branch Secretary, Chhiahtlang a zin chu a lo haw leh ta.
- Pu C. Lalremruatfela, BECM, hna thila Champhai a zin chu a lo haw leh ta.
- Pu K. Lalruala, (Ex-President) te nupa, N-Sec. chhiattawhna avanga Tlabung a kal chu an lo haw leh ta.
- Pi Mary Lalnunpari, V-Sec. Shillong-a in check-up a kal chu a lo haw leh ta.
- Pi V. Lalmalsawmi w/o Rev. R. Ramnghinglova, N-Sec. chu Vellore-ah in check-up turin an kal.
- C. Lalrinpuii d/o C. Lalhmingthanga, C-Sec. Lunglei lama hnathawka awm chu a lo haw.
- Pu FK Lawmsangzuala, N-Sec. chu in check-up tur in Shillong-ah an kal.
- Pu Lalthanfala Khiangte te chhungkua, N-Sec. Guwahati-a thil pawimawh buaipuia kal chu an lo haw leh ta.
- Pu C. Lalthankhuma te nupa leh Pu Lalramnghaka, N-Sec. te chu Tlabung ah chhiattawhna avangin an kal.
- Pu Liansangpuia te chhungkua, T-Sec. chhungkaw thil a Guwahati zin chu an lo haw leh ta.
- Lalrinawmi w/o Jimmy Zosangliana, V-Sec. Kolkata-a in check-up a kal chu an lo haw leh ta. Pi Lalbiakkungi'n a kalpui.

LAWMAWM

- Pu Thandingliana, Branch Fin. Secretary chu Mizoram Volleyball Player Union (MVPU), President 2026-2028 atan thlan a ni.
- Ni. Lalthanzami d/o Lalbiakdawla N-Sec. chu MPSC in Jr. Grade of Mizoram Engineering Service a lak thar ah a tling.
- Pu M. Vabeiryureilai leh Pi K. Lalrinzuali, N-Sec. te chuan ni 7.05.2026 khan Synod Hospital, Durtlang ah fapa an nei.
- Pu Lalhriatpuia leh Pi C. Lalrempuii, C-Sec. te chuan Aizawl Hospital-ah ni 18.04.2026 khan fapa an nei.
- Pu Lalchhandama leh Pi Lalrotluangi, V-Sec. te chuan Synod Hospital, Durtlang ah ni 10.05.2026 khan fanu an nei.
- Pu Lalhmingmawia leh Dr. Lucy Chawisangzeli, T-Sec. te chuan ni 5.05.2026 khan Civil Hospital, Aizawl ah fapa an nei.
- Pu Robert Lalfakzuala leh Pi M. Malsawmi, K-Sec. te chuan ni 9.05.2026 khan Synod Hospital, Durtlang ah fanu an nei.

THILDANG

- **Ruangchhuak:**
- 1. Pu Lalrintluanga, K-74 chu ni 12.05.2026 dar 11:30 PM khan BN Hospital, Kulikawn ah boral a, a ruang hi Pu Lalrinliana, N-Sec. te chuan la in damdawiin atangin an khua Nisapui panpui nghal a ni.

DAMLO

- Tv. John Lalduhawma s/o Hrangdailova, S-Sec. chu Synod Hospital, Durtlang ah zai a ni.
- Hlankima Pachuau s/o Dr. PC Lalrinfela, K-Sec. chu LRM Hospital-ah enkawl mek a ni.
- Pi Vanlhriatrenge, C-Sec. chu Stroke avangin Ebenezer Hospital-ah enkawl mek a ni.
- Lallawmkimi d/o Lalnunzira, S-Sec. LRM Hospital-a awm chu a lo chhuak leh ta.
- Lalrinpuii d/o Malsawmtluanga Hauhnar, C-Sec. chu hritlang khawsik avangin in lamah enkawl mek a ni.
- Pu Lalzhazuala, N-Sec. chu Kolkata-ah a mit zai niin enkawl mek a ni.
- Pi Laibati, V-Sec. chu Agape Hospital ICU-ah enkawl mek a ni.
- Pu F. Lalbuanga, V-Sec. chu LRM Hospital-ah enkawl mek a ni.
- Pu C. Rosiama, V-Sec. chu LRM Hospital atangin in lamah inenkawl chhunzawm turin a lo chhuak.
- Pu Lalthansiamia, V-Sec. Nazareth Hospital-a awm chu in lamah inenkawl chhunzawm turin a lo chhuak.
- Bernice Lalruatdiki d/o Lalrinliana, S-Sec. chu zunkawng hnai awm leh influenza avangin LRM Hospital-ah enkawl mek a ni.
- Pi R. Zomuanpuii w/o Lalrohluva, C-Sec. chu Synod Hospital, Durtlang ah enkawl mek a ni.
- Jason Malsawmtluanga c/o F. Vanlalruata, V-Sec. chu Nazareth Hospital-ah enkawl mek a ni.

PAWL DANG

- **Mizoram Mistiri Association, Ramhlun North Branch:** Vawiin nileng khan Mizoram Mistiri Association, Ramhlun North Branch te chu kuang siamin an hnatlang a, tlai lamah zanriah an kil ho nghal a. Ei leh in hi Branch YMA leh Local Council ten an tum sak a ni.

KOHRAN

- **Presbyterian Kohhran, Ramhlun East:** Masihi Sangati te chuan Ni 10.5.2026 (Pathianni) kalta khan Sairang Rel Station ah Gospel Tract leh Bible te (Thuthlung Thar leh Sam) English leh Bengali a ziaak thahnem tak an sem a. Feh chhuak te hi Mipa 13 (Bial Tirhkoh telin) leh Hmeichhia 13 an vaiin 26 an ni.
- **Salvation Army:** Ni 12 leh 14 zan khan Ramhlun Corps, Chawnpui Corps, Sinai Corps leh Luangmual Corps SAY te chuan Joint Sports an nei a, ni 18.5.26 (Thawhtanni) zan SAY Meeting ah Joint Sports khama Ramhlun Corps ah Joint Meet neih a ni ang.

Ni 17.5.2026 (Chhandamna Inkhawm) ah Ni. Lalmangaihzuai d/o Lalmuankima Chhange (PG) Evangelist Teacher kal tur thlahna hun hman tur a ni ang.

KEIMAHNI

- Ni 17.5.2026 (Pathianni) chawhnu Inkhawm ban hian Editorial board te bakah, Circulation Manager leh Pass lawm huna Ushertura ruat chhuahte inhmukhawm tur a ni a, kim taka kal turin kan inhriattir a ni.
- Pu PB Laihuama, T-Sec. chuan an fanu PB Lalrinfeli, pawl 12 pass lawm nan MARYMA te kan chhun thingpui inna tur minrawn pe a, an chungah kan lawm takzet a ni.

- Local Council, Ramhlun North chuan kan thingpui in na tur anrawn tum a, an chungah kan lawm hle mai.

LOCAL COUNCIL

- 1) Tunlaiin veng thenkhatah vawk hri a leng leh niin hriat a ni a, Hmundang atanga Vawk talh tur chi reng reng vengchhungah lak luh khap a ni.
 - 2) Vengchhungah hri lak a kan lo him tlan zawk nan mitin te fimkhur turin kan in hriattir a ni.
 - 3) Kan vengchhungah Inneitu tui Connection la nei lo kan awm chuan June ni 13 ral hmain Local Council Secretary hnen ah a hnuaiami ang hian inhriattir tur a ni e.
- a) Hming b) Section c) Contact Number

Class X Pass thar te:

Taitesena Section

1. Vanlalthlamuanpuii d/o H. Rodingliana
2. T. Lalruatkimi d/o Dr. T. Lalrintluanga
3. R. Lalrohluva d/o R. Rohmingliana

Vanapa Section

1. Grace Lalmawipuii d/o Lalhmingmuana

Khuangchera Section

1. H. Lallawmzuala s/o Ramtanpuia

Vanapa Section

1. K. Lalchhanchhuaha s/o K. Mawizuala

Chawngbawla Section

1. Lalruatkimi s/o Lalbiakliana

Class XII Pass thar te:

Vanapa Section

1. Lalchhansangi d/o T. Sangnghilhlova

2. Lalrempuia s/o Rosy Lalremruati

3. Mary Vanlalkhawngaihnsangi

- d/o C. Laltlansanga

4. Vanlalenkawli d/o C. Laltlansanga

5. R. Lalhruiatluanga s/o R. Lalmuanpuia (L)

6. B. Lalropuia s/o KH Lalhmingthaa

7. Lalrinchhana s/o Lalfakzuala (Fam)

8. Elizabeth Lalruatfeli d/o Lalchhuanmawia

9. Laldinpuia s/o RK Lalmuanpuia

Chawngbawla Section

1. Lalrinhlui Fanai d/o F. Vanlalfela

2. Jonathan Zoramenga Ralte

- s/o Laldawngliana

Saizahawla Section

1. Lalramhluni d/o Lalthlamuana

Taitesena Section

1. Lalrinhlua s/o Jenny Lalhmingnsangi (L)

2. Lalrinthaa s/o Lairosiama

3. Vannunmawia Ralte s/o R. Vanneia

Neuva Section

1. Chuauthantluangi Pachuau

- d/o Moses Zofaka Pachuau

Khuangchera Section

1. David Dawngliana Parte

- s/o Zodinsanga Parte

2. K. Lalrinkimi d/o K. Lalmalsawma



ARTICLE

KOHRAN LEH YMA

- Lalramchuana Zote, V-Sec.

Mizote hi inkaihhraina nghet tak nei hnam kan ni a. Kan pi leh pu te hunlai ata tawh mumal leh felfai taka lo khawsa ho thin kan ni. Hun lokal zelah pawh chu nun chu kan chhawm nung zel a. Chuvangin kan tunlai hun a khawtlang anga kan nun honaah pawh hian kaihruaitu fel tak mai kan nei a. Chu chu Kohhran leh YMA hi an ni kan ti lo thei lo ang. Mizo hnam nun ze mawi chhawm nun leh humhalh kawngah te, nun ho na kawngah te leh sakhuana kawngah te mipui min kaihruai tha em em a ni. Kohhran leh YMA hi mizote tan a pawimawh zawk sawi hleih theihloh khawpin kan ram leh hnam tan an pawimawh dun hle. Holy Bible-a thuthlung hlui leh thuthlung thar a inthlun zawm tlat ang hian Mizote zingah hian Kohhran leh YMA hi then hran theih loh a inthlunzawm tlat a ni. A tobul atang renga kan chhui pawn Welsh Missionary te avanga Kristianna kan rama a lo luh khan Kohhran an rawn din a, chu kohhran rawn dintu Welsh Missionary te leh Kohhran hruaitu hmasate khan kan hnam leh kan nun ze mawi takte kha humhalh a chhawm nun a nih zel theih nan khan YMA hi an lo din veleh ta a ni. Chuvangin, YMA hi Kohhran atanga lo chawr chhuak a nih miau avangin YMA hi a Kohhran em em a, Kohhran pawh hi a YMA em em a ni.

Hun lo inher danglam zelah min thlahtuten mual an lo liam ve zel a, thangtharten loh theih loh in Kohhran leh khawtlang hruai hna kan thawk lo theilo a. Kohhran leh YMA lo chawr chhuahna bul leh a dintute din chhan leh rilru puthmang te chu zawi zawiin kan lo kalsan ve hret hret ni te pawhin a lang tan mek a ni. Kohhran leh YMA inlaichinna leh inkungkaihna hre chang tawh lo a, kal hran tir phet tum pawh a awm ve theih awm e. Kal hran tir viau han tum thin mah ila, Kohhran mi kha YMA member tho kan nih miau avangin a hrang tak tak thei chuang lo a. Kohhran leh YMA hi Kristianna in a hrinchhuah te an nih miu avangin an inlaichin tlat a ni.

Kan ram leh hnam tana ban rinawm tak pahnih chu Kohhran leh YMA hi a ni a. Kan tunlai khawvelah kan ram leh hnam hian chhiatna kawng kan zawh mek ni a mi tamtakin an sawi lai hian keini mizote hi Kohhran kaltlanga Pathian rawng kan bawl tlat a, YMA kaltlanga khawtlang leh midangte rawng kan bawl tlat chuan kan ram leh kan hnam hi a chhiat a rinawm loh a ni. Chuvangin kan ram kan hnam kan hmangaih takzet chuan Kohhran leh YMA hi kal hran tir phet tum lo ila, Kohhran mi te hi YMA em em ila, tin, YMA member te hi i kohhran mi em em ang u.

Kohhran leh YMA hi mahni hmasial lova rawngbawl thin an ni a. Mangan leh harsatna tawkte an tanpui a, tualchhung mite zingah remna leh muanna vawn kawngah hna nasa takin an thawk a. Lawmman beisei lova midangte tana rawngbawl thin an ni a. Tin, YMA thupui ber "Tlawmngaihna" ngei pawh hi a Kristian em em a, tin, Kohhran inzirtirna nen pawhin a inhne rem em em a ni. Tin, Kohhran leh YMA hian Mizo hnam leh nunphung humhalh hi a ngai pawimawh em em a. Tunlai khawvel chak takah hian culture identity chu awlsam takin a bo theih avangin Kohhran leh YMA hian thangtharte zingah hnam nunphung, tawngte nasa takin a chawisang mek a ni. Kohhran leh YMA thawhhona rawngbawl na hi Mizo te a hnam ang leh a ram angin a hlu em em a, mizote min phuar khawmtu kan ti lo theilo a ni.

Kohhran leh YMA hi Mizo hnam nun lungphum pahnih an ni a. Zirna, nungchang lama inkaihhraina, khawtlang rawngbawl na, leh nunphung kan zirna hmun pawimawh tak mai a ni a. Chu Kohhran leh YMA sikul atanga zir chhuaklo thangthar kan tam tak em avangin aia upa zahna kan hloh mek a, Pathian thina kan tlachham a, mahni hmasialna in kan khat a. Chung lo pawh chu tamtak sawi tur a awm thei ang. Chuvangin, nu leh pa te pawh kan thanharh a, kan tu, kan fate tan khawvel thiamna leh changkana lama thahnem kan ngaihpui em em chung hian nungchang, nunphung, mizo zia leh nihna te, khawtlang anga khawsakhona kawngah nun zia an hriat zel nan leh Kristianna nun tak Pathian thina an than len pui zel theihnan Kohhran leh YMA a tel ve zel turin i zirtir ang u. A enga pawh nise kan ram leh hnam tan Kohhran mi rinawm tak ni chung zelin i YMA hle ang u.

ADVERTISEMENT

KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chung tan discount kan pe e.

Ph: 9774223462 / 7005010327 (10-7)

KHIANGTE SEPTIC TANK SERVICE

Septic Tank khat pahfai, Comode Block, Soak pit, Pipe Fitting, Repair engkim, khur chung lutin, a neitu te lungawi na thlap in kan thawk thei e thawk thei e

Contact - 9862344971 Bawngkawn South (10-1)

JM SEPTIC TANK SERVICE

Septic tank khat pah fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. Registration: MRS 542

Contact: 9862476439 (10-9)

TLUANGTEA SEPTIC TANK SERVICE

Septic tank khat pah leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350 (5-5)

MAFELA SEPTIC TANK SERVICE

Septic Tank khat pah fai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125 (10-9)

PUA SEPTIC TANK SERVICE

Septic tank pahfai, commode block, pipe, commode fitting, soak pit leh a khur repairing engkim kan khawih thei e.

Rate: Inbiakremna Ph: 6909266562 (10-4)

SAWMA SEPTIC TANK SERVICE

Septic Tank khat pah fai, Commode block, Pipe Fit, Sockpit thar siam, engkim kan thawk thei e.

Rate: Inbiakremna Ph: 8119969364 (10-2)

VANCHHAWNG SEPTIC TANK

Septik tank khat englai pawh in kan pah fai thei a, repair, commode block, pippe block kan siam thei baw e,

Rate: Inbiakremna Ph. no: 9615458679 (10-2)

MD SEPTIC TANK SERVICE

Septic Tank pah fai leh commode block, soak pit hlui leh a thar kan siam thei a, pipe fitting engkim kan thawk thei e.

Rate: Inbiakremna Ph: 8258950077 (10-2)

VANLALFELA SEPTIC TANK

Septic tank pah fai, commode block, pipe, soak pit tha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm e.

Contact: 9436199884 (10-2)

St. STEPHEN'S SCHOOL

RAMHLUN 'N, AIZAWL (2-2)

ADMISSIONS CI-XI (Arts & Sc)

*Zirtirtu tha tak te enkawlina; *Nunphung, *Hmathlir leh *Thiamna a taka hman tangkai zirtirna.

Follow us @ Instagram & Youtube

RESULTS : HSS(Arts) 100% Passed (2017 to 2026)

Contact : 9774632726 / 9436353625